

Baca Helaian Penerangan Produk ini sebelum anda membuat keputusan untuk menyertai Takaful myGrowth Plus. Pastikan juga anda membaca terma-terma dan syarat-syarat am.

1. Apakah ciri-ciri pelan ini?

Pelan ini adalah pelan endowmen takaful dengan bayaran caruman terhad yang menyediakan perlindungan untuk kematian dan Keilatan Menyeluruh dan Kekal (KMK). Pelan ini membayar bayaran tunai tahunan bermula dari akhir tahun sijil ke-2. Di samping itu, pelan ini juga menyediakan elaun ihsan apabila kematian dan elaun peristiwa hidup semasa perkahwinan atau kelahiran anak atau kematangan pelan. Tambahan caruman tunggal tersedia untuk meningkatkan baki dalam Akaun Peserta (AP).

2. Apakah konsep Syariah yang diguna pakai?

Pelan ini menggunakan konsep-konsep Syariah berikut:

- a. **Tabarru'** bermaksud derma untuk tujuan kebajikan. Di bawah pelan ini, peserta menderma sebahagian sumbangan ke dalam Akaun Khas Peserta (AKP) untuk membantu peserta-peserta lain.
- b. **Wakalah** merujuk kepada sebuah kontrak di mana satu pihak, sebagai prinsipal memberi kuasa kepada satu pihak lain untuk menjadi wakilnya untuk melaksanakan tugas tertentu dalam perkara-perkara yang boleh diwakilkan, dengan atau tanpa dikenakan bayaran. Di bawah pelan ini, peserta memberi kuasa kepada Takaful Malaysia untuk menguruskan AP, Akaun Manfaat Terjamin (AMT) dan AKP dan sebagai balasan, Takaful Malaysia akan menerima yuran Wakalah.
- c. **Ju'alah** merujuk kepada sebuah kontrak di mana satu pihak menawarkan ganjaran tertentu kepada satu pihak lain yang telah berjaya mencapai hasil yang telah ditetapkan. Di bawah pelan ini, peserta membenarkan Takaful Malaysia untuk menerima sebahagian daripada keuntungan pelaburan daripada AP dan AMT sebagai insentif prestasi atas pencapaian Takaful Malaysia dalam menguruskan AP dan AMT yang menghasilkan keuntungan.
- d. **Qard** merujuk kepada sebuah kontrak pemberian pinjaman wang oleh pemberi pinjaman kepada peminjam di mana peminjam itu perlu membayar jumlah penggantian yang sama kepada pemberi pinjaman. Di bawah pelan ini, Takaful Malaysia akan meminjamkan sejumlah wang ke dalam AKP tanpa faedah jika AKP mengalami defisit.

3. Apakah perlindungan / manfaat yang disediakan?

Pelan ini melindungi:

No	Manfaat	Bayaran Manfaat
1	Manfaat Kematian	Apabila berlaku kematian ke atas orang yang dilindungi, jumlah sekali gus berikut akan dibayar: a. jumlah yang lebih tinggi daripada jumlah perlindungan atau jumlah caruman yang diterima oleh kami tolak sebarang manfaat tunai terjamin yang telah dibayar oleh kami*; dan b. baki di dalam AP.
2	Manfaat KMK	Apabila orang yang dilindungi mengalami KMK sebelum umur 70 tahun pada hari jadi akan datang, jumlah sekali gus berikut akan dibayar: a. jumlah yang lebih tinggi daripada jumlah perlindungan atau jumlah caruman yang diterima oleh kami tolak sebarang manfaat tunai terjamin yang telah dibayar oleh kami*; dan b. baki di dalam AP.
3	Manfaat Kematian / KMK Akibat Kemalangan	Jika berlaku kematian / KMK akibat kemalangan sebelum umur 70 tahun pada hari jadi akan datang, tambahan 100%* yang berikut akan dibayar, di atas manfaat kematian / KMK yang perlu dibayar: a. jumlah perlindungan; atau b. jumlah caruman yang diterima oleh kami tolak sebarang manfaat tunai terjamin yang telah dibayar oleh kami, mana yang lebih tinggi. Jika berlaku kematian / KMK akibat kemalangan di luar negara (di luar Malaysia) sebelum umur 70 tahun pada hari jadi akan datang, tambahan 200%* yang berikut akan dibayar, di atas manfaat kematian / KMK yang perlu dibayar: a. jumlah perlindungan; atau b. jumlah caruman yang diterima oleh kami tolak sebarang manfaat tunai terjamin yang telah dibayar oleh kami, mana yang lebih tinggi.
4	Elaun Ihsan	Apabila berlaku kematian ke atas orang yang dilindungi, tambahan 10% daripada jumlah perlindungan akan dibayar.

5	Elaun Peristiwa Hidup	<p>Apabila orang yang dilindungi berkahwin atau beranak, tambahan 5% daripada jumlah perlindungan akan dibayar sebagai Elaun Peristiwa Hidup dengan syarat sijil itu berkuat kuasa selama sekurang-kurangnya 2 tahun.</p> <p>Manfaat ini hanya dibayar sekali sahaja sepanjang tempoh sijil.</p> <p>Sekiranya tiada tuntutan yang dibuat untuk manfaat ini sepanjang tempoh perlindungan, ini akan diambil kira dan dibayar apabila sijil matang.</p>								
6	Manfaat Tunai Terjamin (MTT)	<p>MTT akan dibayar setiap tahun dari AMT bermula dari akhir tahun sijil ke-2 sehingga kematian, KMK, penyerahan atau kematangan, yang mana berlaku dahulu.</p> <table border="1"> <thead> <tr> <th>Akhir Tahun Sijil</th> <th>MTT Dibayar</th> </tr> </thead> <tbody> <tr> <td>Tahun 2 – 5</td> <td>8% daripada Jumlah Perlindungan</td> </tr> <tr> <td>Tahun 6 – 10</td> <td>10% daripada Jumlah Perlindungan</td> </tr> <tr> <td>Tahun 11 & ke atas</td> <td>12% daripada Jumlah Perlindungan</td> </tr> </tbody> </table>	Akhir Tahun Sijil	MTT Dibayar	Tahun 2 – 5	8% daripada Jumlah Perlindungan	Tahun 6 – 10	10% daripada Jumlah Perlindungan	Tahun 11 & ke atas	12% daripada Jumlah Perlindungan
Akhir Tahun Sijil	MTT Dibayar									
Tahun 2 – 5	8% daripada Jumlah Perlindungan									
Tahun 6 – 10	10% daripada Jumlah Perlindungan									
Tahun 11 & ke atas	12% daripada Jumlah Perlindungan									
7	Manfaat Kematangan Terjamin	<p>Apabila sijil matang, jumlah sekali gus berikut akan dibayar:</p> <p>a. 150% daripada jumlah perlindungan dengan 5% daripada jumlah perlindungan (jika tiada tuntutan ke atas Elaun Peristiwa Hidup); atau</p> <p>b. baki AMT, mana yang lebih tinggi.</p> <p>Selain itu, sebarang baki di dalam AP juga akan dibayar.</p>								

* Jumlah bayaran manfaat tidak kurang daripada baki di dalam AMT.

Nota:

- Tempoh perlindungan untuk pelan ini adalah 20 atau 25 tahun.
- Sila rujuk ilustrasi pemasaran untuk butiran jumlah perlindungan dan tempoh perlindungan anda di bawah pelan ini.

4. Berapakah jumlah caruman yang perlu saya bayar?

- Jumlah caruman yang anda perlu bayar adalah bergantung kepada jumlah perlindungan, tempoh perlindungan, tempoh bayaran caruman dan mod bayaran anda.
- Tempoh bayaran caruman untuk pelan ini adalah 8 atau 12 tahun.
- Anda mempunyai pilihan untuk membuat caruman anda setiap bulan, suku tahunan, setengah tahun atau tahunan.

Nota:

Sila rujuk ilustrasi pemasaran untuk butiran jumlah caruman dan tempoh bayaran caruman anda di bawah pelan ini.

5. Apakah caj-caj dan yuran-yuran yang perlu saya bayar?

- Yuran Wakalah (% caruman) akan ditolak berdasarkan tempoh bayaran caruman. Ia akan digunakan untuk membayar perbelanjaan pengurusan dan komisen.
- Tabarru' akan ditolak setiap bulan dari AMT kepada AKP. Tabarru' ditetapkan pada 1.5% daripada caruman kasar bulanan untuk semua umur yang dicapai sepanjang tempoh perlindungan. Walau bagaimanapun, Tabarru' tidak terjamin.

Nota:

Sila rujuk ilustrasi pemasaran untuk butiran caj-caj ini di bawah pelan ini.

6. Apakah sebahagian daripada terma-terma dan syarat-syarat penting yang patut saya ketahui?

- Tanggungjawab Pendedahan** - Menurut Perenggan 5 daripada Jadual 9 dari Akta Perkhidmatan Kewangan 2013, anda mempunyai kewajipan untuk mengambil perhatian yang sewajarnya untuk tidak memberikan maklumat palsu atau tidak tepat apabila anda memohon untuk pelan ini. Kegagalan berbuat demikian, mungkin mengakibatkan pembatalan kontrak takaful anda, penolakan atau pengurangan tuntutan, perubahan terma atau penamatan kontrak takaful anda. Kewajipan pendedahan di atas hendaklah diteruskan sehingga kontrak takaful anda dimeterai, diubah atau diperbaharui dengan kami. Anda juga mempunyai kewajipan untuk memberitahu kami dengan serta-merta jika pada bila-bila masa selepas kontrak takaful anda dimeterai, diubah atau diperbaharui dengan kami, apa-apa maklumat yang disediakan tidak tepat atau sudah berubah.
- Tempoh Penelitian Percuma** - Terdapat tempoh penelitian percuma selama lima belas (15) hari kalendar dari tarikh penghantaran e-sijil untuk anda meneliti dan membuat keputusan sama ada anda mahu meneruskan pelan ini. Jika anda tidak mahu meneruskan pelan ini, anda boleh membatalkan sijil dan mendapatkan bayaran balik penuh untuk caruman yang anda telah bayar.

- c. Elaun Peristiwa Hidup, Manfaat Tunai Terjamin dan Manfaat Kematangan Terjamin tidak akan dijamin jika anda tidak membuat caruman lebih dari tiga (3) bulan berturut-turut.
- d. **Luput** - Sijil anda akan luput apabila baki AMT menjadi kosong.
- e. Sekiranya berlaku kejadian yang mengakibatkan tuntutan, anda harus memberitahu kami dengan serta-merta.

Nota:

Senarai di atas adalah tidak lengkap. Sila rujuk kepada sijil anda untuk senarai lengkap terma-terma dan syarat-syarat di bawah pelan ini.

7. Apakah pengecualian utama bagi pelan ini?

Kematian

- a. Sekiranya orang yang dilindungi membunuh diri, ketika waras atau tidak waras, dalam tempoh satu (1) tahun dari tarikh berkuat kuasa perlindungan, tiada manfaat akan dibayar. Walau bagaimanapun, semua caruman yang dibayar akan dikembalikan;
- b. Sekiranya kematian orang yang dilindungi berlaku sebelum hari lahir ke-2, tiada manfaat akan dibayar. Walau bagaimanapun, semua caruman yang dibayar akan dikembalikan; atau
- c. Jika kematian orang yang dilindungi disebabkan selain daripada punca kemalangan dalam tempoh dua (2) tahun dari tarikh berkuat kuasa perlindungan, tiada manfaat akan dibayar. Walau bagaimanapun, semua caruman yang dibayar akan dikembalikan.

KMK

- a. Sekiranya KMK orang dilindungi berlaku sebelum hari lahir ke-2, tiada manfaat akan dibayar. Walau bagaimanapun, semua caruman yang dibayar akan dikembalikan;
- b. Jika KMK orang yang dilindungi disebabkan selain daripada punca kemalangan dalam tempoh dua (2) tahun dari tarikh perlindungan yang berkuat kuasa, tiada manfaat akan dibayar. Walau bagaimanapun, semua caruman yang dibayar akan dikembalikan;
- c. KMK yang telah wujud sebelum atau pada tarikh berkuat kuasa perlindungan; atau
- d. KMK disebabkan oleh cubaan membunuh diri atau kecederaan diri sendiri secara sengaja, ketika waras atau tidak waras.

Nota:

Senarai di atas adalah tidak lengkap. Sila rujuk kepada sijil anda untuk senarai lengkap pengecualian di bawah pelan ini.

8. Bolehkah saya membatalkan sijil saya?

Ya, anda boleh membatalkan sijil anda pada bila-bila masa selepas tempoh penelitian percuma lima belas (15) hari kalendar. Selepas pembatalan, sebarang baki dalam AMT dan AP akan dibayar. Walau bagaimanapun, menyertai pelan takaful keluarga adalah komitmen kewangan jangka panjang. Baki terkumpul yang anda boleh dapatkan apabila anda membatalkan sijil sebelum tempoh matang akan jauh lebih rendah daripada jumlah caruman yang telah anda bayar.

9. Apa yang perlu saya buat sekiranya terdapat perubahan kepada maklumat untuk menghubungi saya?

Adalah penting untuk anda memaklumkan kepada pengendali takaful sekiranya terdapat sebarang perubahan ke atas maklumat untuk dihubungi anda bagi memastikan semua urusan surat-menyurat sampai kepada anda pada masa yang ditetapkan.

10. Di manakah saya boleh mendapatkan maklumat lanjut?

Sekiranya anda memerlukan maklumat tambahan berkenaan takaful keluarga, sila rujuk kepada buku panduan *insuranceinfo* mengenai 'Takaful Keluarga' yang boleh didapati di mana-mana cawangan kami atau layari www.insuranceinfo.com.my/.

Jika anda mempunyai sebarang pertanyaan, sila hubungi pengendali takaful di:

Unit Khidmat Pelanggan (UKP)

Syarikat Takaful Malaysia Keluarga Berhad [198401019089 (131646-K)]
 Tingkat 14, Blok Annex,
 Menara Takaful Malaysia,
 No. 4, Jalan Sultan Sulaiman,
 50000 Kuala Lumpur, Malaysia.
 P.O. Box 11483, 50746 Kuala Lumpur.
 Tel: 1-300 88 252 385
 Emel: csu@takaful-malaysia.com.my

11. Lain-lain jenis perlindungan takaful keluarga yang disediakan.

Sila ajukan pertanyaan kepada pengendali takaful / Wakil Jualan Bank untuk lain-lain jenis pelan yang serupa yang ditawarkan oleh pengendali takaful.

NOTIS PENTING:

PENYERTAAN DI DALAM PELAN TAKAFUL KELUARGA ADALAH KOMITMEN KEWANGAN JANGKA PANJANG. ANDA MESTI MEMILIH JENIS PELAN YANG PALING SESUAI DENGAN KEADAAN PERIBADI ANDA. ANDA MESTI MEMBACA DAN MEMAHAMI SIJIL TAKAFUL DAN BERBINCANG DENGAN WAKIL JUALAN BANK ATAU MENGHUBUNGI PENGENDALI TAKAFUL UNTUK MAKLUMAT LEBIH LANJUT.

Syarikat Takaful Malaysia Keluarga Berhad adalah dilesenkan di bawah Akta Perkhidmatan Kewangan Islam 2013 dan diselia oleh Bank Negara Malaysia.

Maklumat yang dinyatakan dalam helaian penerangan ini adalah berkuat kuasa pada Januari 2021.